



## Universitätsbibliothek Paderborn

### **De Vetere Clerico, Monacho, Clerico-Monacho, Libri Tres**

Primus veterem habitum: Secundus conuictum ac disciplinam: Tertius honores ac priuilegia describit

De Clerici, Monachi Vetere Institvto. Liber Primvs - Distinctus in tres Partes. In quibus, praeter veterem eorum habitu[m], multa quoque inserta de veste veterum laicorum. Breuiterq[ue] explicata singulorum origo, & antiquitas.

**Landmeter, Laurentius**

**Lovanii, 1626**

Cap. XIII. Sanctimoniales quoque resectâ comâ. Satisfactum præterea obiectioni contrâ propositæ.

**urn:nbn:de:hbz:466:1-11007**

ET MONACHORVM HABITV 139  
Placemus umbras (inquit) capitis exu-  
uias cape,

Laceraque frontis accipe abscissam comā.  
Alterum est, illa miserabilis  
crudeli funere Dido  
Quæ quia nec fato, meritā nec morte peribat,  
Ut liceret ei infaustam animam corpore  
solueret, fabulosa Dea

Dextrâ crinem secat.

Atqui professio religiosa mors quædam est  
ac quidem violenta, non menti sed carni.  
Quid enim violentius quā sequi clamātem  
Hieronymum, *Per calcatum perge Patrem,*  
*& licet sparsis crinibus in limine mater ia-*  
*ceat, siccis tamen oculis ad vexillum Crucis e-*  
*uola? Sed regnum celorum vim patitur.*

### C A P V T XIII.

*Sanctimoniales quoque, resectâ comâ. Satisfa-*  
*ctū præterea obiectioni contrâ proposita.*

**P**orrò sicut monachi tonsurati, ita  
Sanctimoniales resectâ coma. *Ma-*  
*teria vestium, inquit Sanctus Athanasius*  
*-110001* Lib. 11. n. 1. virg.  
S 2 instruens

## 140 DE VETERE CLERICORVM

instruens virginem sacram, *non sit pretiosa, capilli circumtonsi.* Ac morem hunc esse antiquissimum docent præterea quæ scripsit S. Hieronymus de Syriæ & Aegypti sacris virginibus, & Palladius in Lausiacis de Tabennisiæ.

Rationes symbolicæ suprà prò monachorum tonsurâ adlatæ, hic quoque seruiunt. Quamuis præterea habeat in virginibus hæc capillorum resectio peculiarem professionem, neglecturas se deinceps formam corporis, *quod, ut dicebat S. Agnes, potest male placere.* Multum enim mulieri demperis de pulchritudine, si capillum. Vnde Gentiles Christianis mulieribus in partem supplicij capit is abrasionem irrogarunt. Sic in martyrologio Romano legimus, *Faustam ad ignominiam rasam.* Quia ut dixit Apostolus, *mulier si tondatur aut decaluetur turpe est illi.* Et est ista turpitudo in eo sexu notabilis. Vnde apud Isidorum Pelus. Virgo quædam, iuuenem in se ob corporis formam insanientem, planè conuertit, cum se ei tondo capite spectan-

Hier. ep.  
48 ad  
Sabin.

spectandam obtulisset, Ut enim dixit Apuleius, *Mulier etiam venustissima, si capillatio nudetur, licet illa cœlo ejecta, mari edita, fluctibus educata, licet, inquam, venus ipsa fuerit, licet omni gratiarum choro stipata, & toto cupidinum populo comitata, & baltheo suo cincta, cinnama fragrans, & balsam aro-  
rans; si calua processerit placere non poterit etiam vulcano suo.* Vnde meritò de hoc, sa-  
cro ritu dicemus cum S. Ambrosio. *Quæ*  
Epist ad  
Sabin.  
*corporeo aspectu sunt turpia, sacròsanctæ re-  
ligionis contemplatione sunt reverenda: ut  
qui ista reprehendunt ipsi in laqueos reprehensionis animas suas inducant.* Qnibus verbis posterioribus, iam olim iugulauit S. Ambrosius hodiernorum sectariorum petulantiam quibus omnis hæc ceremonia, rius est & superstitione. Sed mori qui illos morantur: homines è Luciani magis quam Christi scholâ.

Neque est quod scrupulum cuiquam faciat canon Concilij Gangrensis, quo anathema dicitur mulieri quæ prætextu pietatis caput totonderit.

S 3

Quia

*Lib. 3.  
cap. 13.* Quia ut colligitur ex Sozomeno , agit Concilium aduersus mulierculas quasdam hæreticas, quæ deceptæ Eusebij Sebastheni fraudibus, prætextu pietatis maritos deserebant , & tonso capite', virilem habitum in duebant.

Nihilo plus vrget obiectio ex Apostolo *cap. 11.* petita , qui in primâ ad Cor. docet, mulieri turpe esse tñderi, contrà verò glriosum comam nutrire . Facilis enim est responso, docere ibi Apostolum generatim, quid regulariter & ordinariè mulierem deceat: non tamen negare , posse occurrere eam rerum circumstantiam, vt oppositum religiosè ac sanctè fiat. Ita enim suprà vidimus commendari virginem Alexandrinã, quæ vt à se lascium iuuensis amorē auerteret, caput sibi ipsa abraserat. Adde, iuxta legem *Num. 6.* Nazaræorum , tam viro quam fæminæ quæ se Deo consecrauerat , præceptum; expleto tempore consecrationis cæsariem ponere. Si hoc fecit Nazaræa, cur non faciat Sanctimonialis , cum huius illa typus fuerit & figura?

C A-